



Kej Sim Kuaj Mob Txog Tus Kab Mob Khaus Viv-19 (COVID-19) hauv Xeev Oregon Cov Tsev Kawm Ntawv Qib K-12: Cov Lus Nug Uas Nquag Nug (Frequently Asked Questions, FAQs) Txog Kej Kuaj Ntsuas Mob Rau Cov Neeg Ua Hauj Lwm

(Hloov kho dua tshiab 10-25-2021)

Q: Txheej Txheem Pab Cuam Ntsig Txog Kej Ntsuas Mob Rau Cov Neeg Ua Hauj Lwm yog dab tsi?

Qhov Txheej Txheem Pab Cuam Ntsig Txog Kej Ntsuas Mob Rau Cov Neeg Ua Hauj Lwm muab kej sim kuaj mob txog Tus Kab Mob Khaus Viv-19 (COVID-19) txhua lim piam pab dawb los ntawm kev xa ntawv mus rau txhua cov pej xeev los sis cov neeg ua hauj lwm ntawm tsev kawm ntawv qib K-12 ntawm ntiag tug uas tseem tsis tau txhaj tshuaj tiv thaiv kab mob.

Q: Leej twg thiaj muaj cai tau txais kev pab?

Txhua cov pej xeev los sis cov neeg ua hauj lwm ntawm tsev kawm ntawv qib K-12 ntawm ntiag tug, muaj xam nrog rau cov neeg ua hauj lwm pab dawb, muaj cai tsim nyog tau txais kev txhaj tshuaj tiv thaiv kab mob. Cov tswv cuab uas yog neeg ua hauj lwm saib xyuas tus tib neeg yuav tsum tau sau npe nkag rau qhov txheej txheem pab cuam no.

Q: Kuv yuav sau npe nkag tau li cas?

Tus tib neeg ntawm cov tswv cuab uas yog neeg ua hauj lwm yuav tsum los sau daim foos kom tiav. Nias rau qhov [ntawm no](#). Qhov ntaub ntawv no yuav raug muab xa mus rau lub chaw sim kuaj kuaj mob tus khub koom lag luam rau qhov txheej txheem pab cuam no. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tus khub koom lag luam ntawm lub chaw sim kuaj kab mob, Willamette Valley Toxicology mam li xa ib tsab email hais txog kev sau npe nkag mus rau lawv lub chaw sim kuaj kab mob. Yuav siv sij hawm li ntawm ob peb hnuv

thiaj li mam pom tsab email no tshwm. Thaum koj tau raug sau npe nkag txhij txhua lawm ces nws yuav siv sij hawm li ntawm ib lim piam cov cuab yeej siv rau kev sim kuaj ntsuas mob thiaj li mam tuaj txog.

Q: Pab pawg neeg tswj xyuas tsev kawm ntawv txum nyob rau ib cheeb tsam yuav sau npe nkag kom tag txhua cov neeg ua hauj lwm uas tseem tsis tau txhaj tshuaj tiv thaiv kab mob tau li cas?

Yog hais tias pab pawg neeg tswj xyuas tsev kawm ntawv txum nyob rau ib cheeb tsam tseem tab tom xav kom lawv cov neeg ua hauj lwm uas tseem tsis tau txhaj tshuaj tiv thaiv kab mob los koom nrog, lawv yuav tsum muab cov ntaub ntawv qhia paub no qhia rau lawv cov neeg ua hauj lwm uas tseem tsis tau txhaj tshuaj tiv thaiv kab mob ntawd.

Q: Kuv pab pawg neeg tswj xyuas tsev kawm ntawv txum nyob rau ib cheeb tsam puas xav paub txog cov lus qhia paub uas tau los ntawm kuv qhov kev sim kuaj mob?

Cov Khub Koom Lag Luam Ntsig Txog Kev Kawm Txawj Kawm Ntse yuav tsum sab laj tawm tswv yim nrog lawv tus kws pab sab laj tawm tswv yim txog fab kev cai lij choj thiab ua hauj lwm nrog cov neeg ua hauj lwm ntawm lub tsev kawm ntawv txog ntawm cov lus qhia paub uas tau los ntawm kev sim kuaj mob uas tau txais ntawd.

Q: Qhov no puas yog nyob rau ntawm yeem txaus siab?

Yog. Qhov txheej txheem pab cuam nod yog nyob rau ntawm yeem txaus siab.

Q: Puas muaj ib qho kev xaiv txog kev muab qauv qaub ncaug rau qhov txheej txheem pab cuam no?

Qhov txheej txheem pab cuam tsuas muab kev suav sau qauv uas siv lub kuaj kua ntswg (swab) yam tu nrho nkaus xwb.

Q: Nws yuav raug tus nqi npaum li cas?

Qhov txheej txheem pab cuam nod yog pub dawb xwb.

Q: Kuv yuav zoo li cas nyob rau lub sij hawm ua kev sim kuaj mob?

Thaum koj qhov cuab yeej kuaj ntsuas mob tuaj txog, nws yuav muaj xam nrog rau cov lus qhia txog kev muab ib qho qauv piv txwv uas yog siv tus pas nrws qhov ntswg mus kuaj uas zooj.

Q: Kuv yuav tau txais txoj kev sim kuaj mob nyob rau tom tsev tuab npaum li cas?

Cov tib neeg uas tuaj koom nrog yuav tau txais ib qho kev sim kuaj mob nyob rau hauv txoj kev xa ntawv ib zaug toj ib lim piam.

Q: Kuv yuav tau txais kuv cov lus qhia paub uas tau los ntawm kev sim kuaj mob tau li cas?

Koj cov kev kuaj pom yuav muab tso rau hauv koj tus as khauj LabDash. Thaum koj cov lus qhia paub uas tau los ntawm kev sim kuaj mob raug lis txhij lawm, koj yuav tau

txais ib tsab email los sis ib tsab ntawv xov tooj ceeb toom los nkag mus rau hauv thiab txheeb xyuas cov kev kuaj pom ntawd.

Q: Nws yuav siv sij hawm ntev npaum li cas thiaj tau txais kuv cov lus qhia paub uas tau los ntawm kev sim kuaj mob?

Koj yuav tau txais koj cov lus qhia paub uas tau los ntawm kev sim kuaj mob nyob rau 3-5 hnuv.

Q: Puas yuav muaj lwm tus neeg pom kuv cov lus qhia paub uas tau los ntawm kev sim kuaj mob los sis cov ntaub ntawv kev noj qab haus huv ntawm tus kheej?

Koj cov lus qhia paub uas tau los ntawm kev sim kuaj mob thiab cov ntaub ntawv kev noj qab haus huv ntawm tus kheej yuav raug khaws zoo cia tsis pub leej twg paub thiab yuav tsis muab qhia rau lwm tus li.

Q: Yog hais tias kuv twb tau txhaj tshuaj tiv thaiv kab mob tag lawm, kuv puas yuav tsim nyog mus koom nrog hauv qhov txheej txheem pab cuam no?

Tsis pom zoo rau ua kev sim kuaj mob rau cov neeg ua hauj lwm ntawm kev kawm ntawv qib K-12 uas twb tau txhaj tshuaj tiv thaiv kab mob tag lawm vim hais tias qhov kev pheej hmoo ntawm Tus Kab Mob Khaus Viv-19 (COVID-19) nyob rau cov tib neeg uas tau txhaj tshuaj tiv thaiv kab mob tag lawm ntawd mas muaj tsawg heev li.

Q: Yuav ua li cas yog tias kuv hloov siab thiab tsis xav koom nrog qhov txheej txheem pab cuam no?

Koj muaj peev xwm xaiv tawm tsis koom nrog qhov txheej txheem pab cuam no thaum twg los tau.

Q: Yog kuv muaj cov lus nug ntau ntxiv kuv yuav tiv tauj tau rau leej twg?

Koj muaj peev xwm tiv tauj rau COVIDScreening.Schools@dhsosha.state.or.us thiab ib tus neeg twg ntawm Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority) yuav los teb cov lus nug uas koj muaj ntawd.

Q: Kuv yuav tsum tau ua li cas yog hais tias kuv mus sim kuaj pom tias muaj mob lawm?

Koj yuav tau txais ib tsab xov tooj hu tuaj ntawm ib tus kws soj qab taug lw txog ntawm tus neeg mob nyob rau ntawm lub oos kas saib xyuas kev noj qab haus huv rau pej xeem hauv lub zej zos (local public health authority) uas nyob ze ib cheeb tsam ntawm koj uas yog tus yuav nrog koj txog txoj hau kev tiv thaiv kev sib kis kab mob los ntawm tus kab mob vais lav (virus) li cas, xam nrog rau kev nyob twj ywm hauv tsev los sis nyob rau ntawm ib qho chaw uas feem saib xyuas kev noj qab haus huv ntawm pej xeem hais kom nyob kom txog ntua rau thaum qhov kev phom sij nod dhau mus tso; muab cov lus qhia paub txog kev noj qab haus huv uas hais txog txoj hau kev yuav saib xyuas koj tus kheej li cas; thiab yuav muab cov chaw muab kev pab cuam uas muaj ntawd sib qhia rau hauv koj cheeb tsam zej zos uas muaj peev xwm pab txhawb nqa tau koj tau li cas nyob rau lub sij hawm uas koj caiv nyob ib leeg ntawd.

Q: Kuv yuav tsum tau ua li cas yog hais tias kuv mus sim kuaj pom tias tsis muaj mob?

Yog tias koj txoj kev sim kuaj mob pom tias tsis muaj mob, koj kuj tseem yuav tsum tau siv cov lus qhia kev ceev faj los tswj koj tus kheej thiab lwm tus koj muaj kev nyab xeeb. Txoj kev tswj kev nyob kom sib nruv deb ntawm lub cev thiab txoj kev rau ib daim ntaub npog qhov ncauj qhov ntswg yog yam tseem ceeb heev.

Q: Kuv yuav ua li cas yog hais tias kuv tau raug tau rau Tus Kab Mob Khaus Viv-19 (COVID-19) lawm tab sis mas kuv ho nyob rau ncau sij hawm tab tom ua kuv qhov kev sim kuaj mob txhua lim piam?

Koj yuav tsum tiv tauj rau koj tus kws muab kev saib xyuas kho mob rau fab kev noj qab haus huv txhawm rau muab cov lus qhia yog hais tias koj tau nyob sib ze nrog ib tus neeg twg uas muaj Tus Kab Mob Khaus Viv-19 (COVID-19) lawm.

Q: Tsab email uas kuv tau txais los ntawm lub chaw sim kuaj kab mob xav tau kuv cov ntaub ntawv is saws las tuav pov hwm kev noj qab haus huv?

Qhov no yog ib lo lus nug raug raws tus qauv uas siv rau tshooj tus neeg mob (LabDash) uas lawv siv ntawd. Thov nias rau ntawm lub npov saum toj nod uas hais tias koj tsis muaj is saws las tuav pov hwm thiab lub npov hais tias koj tsis muaj ib daim npav ID uas tawm los ntawm tsoom fww. Koj yuav tsis raug sau nqi rau kev mus koom qhov txheej txheem pab cuam no.

Q: Kuv puas muaj peev xwm ua tau kev sim kuaj mob txog ntawm kev tau txais tus tshuaj txhaj tiv thaiv kab mob uas siv rau Tus Kab Mob Khaus Viv-19 (COVID-19)?

Cov neeg ua hauj lwm ntawm lub tsev kawm ntawv yuav xav ua hauj lwm nrog lawv pab pawg neeg tswj xyuas tsev kawm ntawv txum nyob rau ib cheeb tsam los mus xyuas kom paub txog hais tias qhov no yog ib qhi kev xaiv uas tsim nyog rau lawv. Rau kev paub ntau ntxiv hais txog ntawm txoj kev cai txhaj tshuaj tiv thaiv kab mob, thov nias rau qhov [ntawm no](#).

Q: Kuv pab pawg neeg tswj xyuas tsev kawm ntawv txum nyob rau ib cheeb tsam xav ua kom qhov no yog ib qho cai txiav txim uas yuav tsum ua kom tau.

Cov khub koom lag luam ntsig txog kev kawm txawj kawm ntse yuav tsum tau sab laj tawm tswv yim nrog lawv tus kws pab sab laj txog fab kev cai lij choj.

Q: Yuav siv sij hawm ntev npaum li cas mam li pib tau txais cov khoom siv fab kev kho mob?

Thaum ib tus tswv cuab uas yog neeg ua hauj lwm tau raug sau npe nkag txhij txhua lawm, nws yuav sij hawm li ntawm ib lim piam thiaj mam li tau txais cov khoom siv uas muaj nqi siv tau txog ib lub hlis ntawm cuab yeej siv rau kev sim kuaj ntsuas mob.

Q: Kuv yuav tiv tauj rau Willamette Valley Toxicology tau li cas?

WVT tus xov tooj muab kev pab cuam rau tus neeg qhua yog (541) 368-3050

Q: Kuv tseem tsis tau txais tau ib tsab email tuaj ntawm LabDash los sis kuv cov cuab yeej ua kev sim kuaj mob hlo li puas yog?

Thov tiv tauj rau Willamette Valley Toxicology ncaj qha rau ntawm (541) 369-3050

Q: Yog hais tias tsis ntev los no kuv twb tau mus sim kuaj mob ntsig txog rau Tus Kab Mob Khaus Viv-19 (COVID-19) tag lawm, kuv puas tseem muaj peev xwm los mus koom tau rau hauv qhov txheej txheem pab cuam no?

Yog hais tias koj twb tau sim kuaj mob pom tias muaj Tus Kab Mob Khaus Viv-19 (COVID-19) lawm, koj yuav tsis tuaj yeem mus koom tau rau hauv qhov txheej txheem pab cuam ntsig txog kev kuaj ntsuas mob no mus kom txog li 90 hnuv tso thiab yuav tsum tau sib txuas lus nrog Willamette Valley Toxicology txog ntawm kev tso tseg thiab kev pib siv cov khoom siv fab kev kho mob.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-19 Communications Unit) ntawm tus xov tooj 1-971-673-2411, 711 TTY los sis COVID19.LanguageAccess@dhsoha.state.or.us.